

Мал үвлзүүлгэнд белдвр Хар газрт

Эн джил Элст балгсна колхозмудин 138 миньгын хон, терунаснь 62,5 миньгын эрт хаврар хургълх хөд Хар газрт үвлзхмн. Тенд үвлзх хөдөдт 24195 тонн өвсн кергтэ бääснэс, эн джил 35175 тонн өвс белддж авсн бääнэ. Тенд үвлзх хөдөдт болн хургьдт дгх 3955 тонн буудя керглгдджәнэ, тернь колхоз болгьар бääдг болв чигн, теругинь Хар газрт зөддж кургдг ацана машинд тату болсн учрар йир хашнъгар кегдджәнэ. Энүг цаглань зөддж болж керг ах төр гидж санхүүг. Юнъгад гихлэ, ода хаалга сән, цаарандан хур цасн орад хаалгъ эвлрдж одхла ацана машинд йовдж чаллго бääхнь лавта. Теругинь медсн колхозин ахлачнр адгъдж, тингэлән малд дгх хот-хоолинь зөддж, эртэснь сән белдвр теткх зөвтэ.

Хар газрт үвлзх хөдөдт 172 дулан хаша-хаацс керглгдджәнэ, терунаснь эндр куртл 160 хашас белн болдж, 12 хаша-хаацс одачн эклдж тосхад уга. Тер учрар балгсна колхозмудт дутджах 12 хашаг адгъдж эс кедж дуусхла, 12 отар үвлин цагла газа, киитн шуургьнд хоргьдг газр уга болсн учрар зутад, гаруд харгьнь лавта. Тер төлэд колхозмудин ахлачнр эн хамгиг эртэснь тоолдж медх кергтэ.

Хар газрт үвлзджәх хөддиг усар теткхин төлэд 29 арте-

зианск, 49 шахтн худгул бääнэ. Тенд үвлзх хөд усар кутцдән теткгдлжәнэ. Зуг хөд услх оньгьцснь кутцднь ясдж, дутджах оньгьцсинь шинэс кедж белдхмн.

Тенд үвлзджәх хөдчнрт бääх гермүд бас кутц биш. Келхд, Хар газрт үвлзджәх хөдчнрт 172 гер керглгдджәнэ, терунаснь бääхнь 166 гер, 6 гер дутджана. Ил бääх гермүдинь дулан цаг бääтл яслж, дутджах гермүдинь бәрдж бел кех кергтэ.

Хар газрт үвлзджәх хөдчнрт гидж гуйр, болнцг, хавст, давсн боли нань чигн куунд кергтэ хот-хол эргэснь белдджәнэ. Дакад шикр, тәмк, кенчр, шамин тосн нань чигн промышленн эд-тавр худлдж авх лавк бääнэ. Болв, тер лавкднь хөдчнрт кергтэ юмн уга. Тер учрар Хальмг потребсоюз Хар газрт бääх хөдчнриг цуг альк нег хамгарнь кутцднь теткх зөвтэ.

Черноземельск района культурин отдел Хар газрт үвлзджәх хөдчнрт концерт болн кино таслвр уга үзүлх зөвтэ.

Тегэд мал үвлзүүлгәнэ белдвриг кутцднь кедж, тенд үвлзх хөддән эрүл-дорул, тартгын-цадхлнь, сääнәр хургьлулдж, нег чигн гару угагьар асрдж гаргьхин төлэ шунлт-та кевәр ноолдцххмн.

А. МАТВЕЕВИЧ.